



HIZKUNTZA POLITIKA ETA HEZKUNTZA BATZORDEA

(2018-01-25)

<p>Batzordeburua: Jokin Azkue</p> <p>Batzordekideak: Maite Ruiz De Eguilaz Inaki Irazabalbeitia</p> <p>Euskara Zerbitzua: Juan Manuel Zaldua</p> <p>Euskaltegia: Axun Lopetegi</p> <p>Galtzaundi euskara elkartea: Jexux Murua Imanol Artola</p> <p>UEMA: Imanol Haro</p> <p>Idazkaria: Bakarne Telleria</p>	<p>Tolosako Udaletxean, 2018ko Urtarrilaren 25ean, 08:00etan, Hizkuntza Politika eta Hezkuntza Batzordea bildu da, alboan aipatzen direnak etorri direlarik, eguneko gai zerrendan dagoena aztertzeko.</p>
--	--

Gai zerrenda:

- 1.- Aurreko aktaren onarpena.
- 2.- Kontseilua. Diru laguntza. Hitzarmena.
- 3.- Kilometroak. Diru laguntza
- 4.- Nafarroa Oinez. Diru laguntza.
- 5.- Herri Urrats. Diru laguntza.
- 6.- Garabide. Diru laguntza. Hitzarmena.
- 7.- Kale erabileraren neurketa 2017. Galtzaundi.
- 8.- Tolosa&Co. Galtzaundiren txostena.
- 9.- Guraso gazteen hizkuntza portaera. Klusterraren proposamena.
- 10.- Minority Safe-pack herritar ekimena.



TOLOSAKO
UDALA

- 11.- Orixe institutuaren eraikin berria.
- 12.- Paper Eskolaren egoera.
- 13.- Euskaltegia. Ordenantza fiskalak 2018-19 ikasturterako.
- 14.- Euskara Zerbitzuaren antolaketa.
- 15.- Besterik.

10.- Minority Safe-pack herritar ekimena.

Jokin Azkue batzordeburuak (EAJ) eta Inaki Irazabalbeitiak (EHBildu) Minority Safe-pack ekimena babesteko eta sustatzeko proposamena aurkeztu dute batzordean.

Honela dio proposamenak:

“Minority Safe-pack ekimena babestea eta sustatzea

Europar Batasunak 80 bat jatorrizko hizkuntza mintzatzen dira. Horietako batzuk ofizialak dira eta beste batzuk ko-ofizialak, baina gehienek ez dute estatus ofizialik. Ondorioz, Europako hizkuntza askok ez dute babes legalik eta arriskuan dago beraien biziraupena.

Europako Batasunaren oinarriko printzipioetan hizkuntza- eta kultura-dibertsitatea babestea dago, bere lehen moduan: *in vatiestate concordia*. Hala ere, Europako Batasunak printzipio horien babesa eta sustapena Estatuak menpe uzten du. Estatu guztiek ez dute jokamolde bera eta hizkuntza asko babesik gabe dago. Europako Batasunaren mailako lege-neurri amankomunen faltan, estatu bakoitzaren borondatearen eta izpiritu demokratikoaren kalitatearen araberakoa izango da hizkuntzen babes-maila.

Europako Batasunak gutxiengoen hizkuntzak eta kulturak babesteko lege-garapen eta neurri minimo amankomun batzuk antola ditzan, Europako hainbat gizarte-eragilek 'Minority Safe-pack' izeneko herritarren ekimena bultzatzen ari dira. Ekimenak 1.000.000 bat sinadura bildu beha ditu Batasuneko 7 estatu desberdinetan gutxienez 2018ko apirilaren 3a baino lehen eragina izan dezan.

Hauek dira Europako Batasunari egiten zaizkion eskakizunak:

- 1- EBak Estatuari gomendatzea hizkuntza- eta kultura-dibertsitatea babestea eta sustatzea.
- 2- Finantziario-programak abiatzea hizkuntza-komunitate gutxituentzat.
- 3- Hizkuntza Dibertsitatearen Zentroa delakoa sortzea.



TOLOSAKO
UDALA

- 4- EBren erregio-garapenerako funtsen helburuetan, gutxiengo nazionalen babes eta kultura- eta hizkuntza-dibertsitatearen sustapena aintzat hartzea.
- 5- Gutxiengoek gure gizarteei eta Europari ematen dioten balio erantsiari buruzko ikerketa egitea.
- 6- Estaturik gabeko gutxiengoentzat estrategia konpartitu eta zeharkakoak bultzatzea.
- 7- Europako *copyright* lege bateratu bat, kultur zerbitzuak eta emanaldiak norberaren ama-hizkuntzaz eskuratu ahal izateko.
- 8- Ikus-entzunezko edukiak mugaz gaindi hizkuntza gutxituetan eskaintzeko eta jasotzeko zerbitzu-askatasuna.
- 9- Gutxiengoen kulturaren eta ondarearen adierazpideak eta komunikabideak estatu-laguntzen arautegitik salbuestea.

Ekimenaren aldeko sinadura Internet bidez eman daiteke helbide honetan:
<http://www.minority-safepack.eu/main/index>

Horiek guztiak kontuan hartuta Tolosako udalak honokoa erabaki du:

1. 'Minority Safe-pack' delako herritarren-ekimen europarra bere egitea, babestea eta sustatzea.
2. Herritarrei eskatzea 'Minority Safe-Pack' ekimena sina eta heda dezaten.
3. Udal batzaren erabaki hau herriko komunikabideen eta udaleko sare sozialetako kontuen bidez iragartzea.
4. Europako Batzordeko lehendakaria erabaki honen jakitun egitea."

Batzordeak, aho batez, mozioaren aldeko irizpena eman du, Udalbatzak erabakia har dezan.

